



AVIZU

KONKURSU PÚBLIKU REKRUTAMENTU, SELESAUN, NOMEASAUN NO PROMOSAUN PESSOAL IHA ADMINISTRASAUN PÚBLIKA

TERMU REFÊRENSIA

Komisaun Funksaun Públika, hala'o tuir Despaxu Primeiru Ministru Nº 1258/GPM/VII/2022 autorizasaun abertura konkursu públiku rekrutamentu ho baze legal Dekretu –Lei No. 34/2008, 27 Agostu, ho nia premeira alterasaun husi Dekretu Lei No. 22/2011, 8 Junhu no segunda alterasan husi Dekretu Lei No. 44/11, konbá rejime halaó Konkursu, Rekrutamentu, Selesaun, Nomeasaun no Promosaun Pessoal iha Administrasaun Públika, hato'o ba publiku no interesadu sira konabá avizu konkursu Públiku ba posisaun hanesan temi iha tabela tuir mai ne'e:

Nú. Referénsia ba Vaga	CPI/176/2022
Funksaun	Tekniku apoiu ba prosedimentus administrativu no insere dados
Kategoria/Grau, Eskalaun	Tékniku Administrativu / Grau E , Eskalaun 1 ^o
N ^o ba Vagas	Vaga 1
Status	Permanente
Tipu Konkursu	Públiku
Lokal Servisu	Edifício Central Komisaun Funksaun Públika, Av. Martires da Patria Matadoro - Díli, Timor-Leste
Supervisor Imediata	Diretór Nasional Étika, Disiplinár no Prosedimentus Administrativus Funksaun Públika (DNEDPA-FP)
Remunerasaun	Saláriu/Mensal (\$ 204)

A. Deskrisaun kona-ba funsaun servisu nian:

Tékника Administrativu ida atu fo apoiu ba Departamentu Investigasaun no Prosedimentu Adminiatrativu iha area servisu prosedimentus administrativus no insere dados ba Sistema; no mos servisu seluk relevante iha Diresaun Nasional ba Étika, Disiplinár no Prosedimentus Administrativus Funksaun Públika (DNEDPAFP).

B. Responsabilidade sira ba kna'ar :

- Halo servisu prosesu Administrasaun rejistu no agenda karta tama no karta sai;
- Rejista no tau número ba ofisiu no karta ofisiál sira;
- Prepara lista justifikasaun konaba auzénsia funsionáriu sira DNEDPA nian;
- Insere dados sira ba sistema (Desizaun, Despaxu, Lisensa, Falta, nsst);
- Konsulta dados sira no informasaun sira iha sistema;
- Halo rejistu ba prosesu disiplinár sira tuir orden neébe estabelese;
- Klasifika prosesu disiplinár sira no tau número konsoante tuir orden neébe estabelese;
- Prepara envelope sira tuir enderesu neébe karta ne'e atu haruka ba;

- i) Arkiva Desizaun sira iha prosesu disiplinár CFP nian no servisu seluk neébe relaciona ho área servisu DNEDPA nian;
- j) Prepara Deklarasaun Livre prosesu Disiplinár ba efeitu sira ba nomeasaun ba kargu Diresaun no Xefia, Bolsu Estudu no Lisensa sira;
- k) Prepara proposta dezlokasaun servisu ba munisípiu hodi entrega nota aukuzasaun ba akuzadu sira iha prosesu disiplinár;
- l) Fó apoiu ba investigasaun ba kazu abandona servisu;
- m) Fó apoiu ba programa diseminasaun;
- n) Hala'o tuir orientasaun desloka ba Munisípiu sira ho asuntu investigasaun;
- o) Dezempeña funsaun no kna'ar seluk tan neébe Superior sira fó;
- p) Halo Relatóriu Semanal, Mensa no Anual, kona-ba actividades hotu-hotu ba Xefe Departamentu Investigasaun, DNEDPA-FP, SKFP.

C. Reqizitus sira ba Selesaun :

1. Rekizitus Jeral (Estatutu Funksaun Públika, Lei Nú. 8/2004, 16 Juñu):

- a. Sidadaun Timor-Leste;
- b. Tinan 17 ka liu maibé labele liu husi tinan 55;
- c. Laiha kondensasaun ba krime dolozu (hakarak halo) neébe koresponde ba pena prizaun efetiva ba durante tinan 2 ka liu prátika aktu sira ne'ebe manifesta la kompativel ho funsaun sira iha Administrasaun Públiku nia laran;
- d. Iha kualifikasoens atu prienxe rekizitus tuir regulamentu no deskrisaun servisu nian;
- e. Nunka hetan demisaun husi Instituisaun Estadu nian ruma;
- f. Prontu atu halo viajen ka koloka iha Territóriu Nasional neébe deit no mós reprezenta Estadu iha rai-liur;
- g. Iha kondisaun saúde di'ak, no mental di'ak atu bele ezejuta funsaun ne'ebe konkore- bá.

2. Rekezitu Espesífiku (matenek, badaen no esperiênsia espesífiku iha área refere:

- a) Habilitasaun Literária minimu **Ensinu Sekundario** (legaliza autentiku husi Ministériu competente) no esperiênsia profesional iha administrasaun públika, **minimu tinan 3** ;
- b) Iha koñesimentu ba Utiliza sistema SIGAP Central CFP preferênsia;
- c) Iha kapasidade atu utiliza komputador (Microsoft Word, Excel, Power point);
- d) Iha kapasidade atu uza lian **Tetun, Portugés no Ingles** (hakerek no koalia);
- e) Prinsípiu pesoál no valores funsaun públika nian mak funsionáriu públiku tenki banati tuir :

<i>Integridade</i>	<i>Imparsialidade</i>	<i>Profisonalizmu</i>
<i>Respeitu</i>	<i>Servisu iha ekipa</i>	<i>Disiplina</i>
<i>Transparénsia</i>	<i>Responsabilidade</i>	<i>Lealdade</i>
<i>Igualdade</i>	<i>Onestidade</i>	<i>La Halo Diskriminasaun</i>

3. Rekizitu no dokumentus Obrigatoriu hanesan tuir mai :

- 1. Requerimentu assinadu husi aplikante no dirijidu ba Presidente Júri;
- 2. Curriculum Vitae (CV) assinadus husi requerente no **(Referensia nain rua (2))**;
- 3. Sertidaun "Bom Comportamento" ka dokumentus semelãnte Valido husi Ministério Justisa/Instituisaun competente;
- 4. Atestado Medico husi HNGV, (wainhira mai prova entrevista);
- 5. Foto-kópia Habilitasaun Literária/Diploma, (legalizadu autentiku husi Ministériu competente);


 2 | Page


6. Foto-kópia Sertidaun de Nascimento no Sert. RDTL;
7. Foto-kópia Kartaun Eleitoral/Bilhete de Identidade (BI);
8. Foto-kópia Kartaun Vasina neébe kompletu ba daruak;
9. Foto-kópia Sertifikadu Formasaun relevante ho Administrasaun Públika.

D. Komposisaun Júri ba Selesaun:

1. Francisco da Costa Pereira, Diretor-SKFP, Presidente Júri;
2. Marcelina Irene dos Santos Mesquita, Diretora-SKFP, Vogal;
3. Eugénio João Amado de Maria Soares, Profissional Senior-MSSI, Vogal;
4. Belizario Pereira Magno, Diretor-SKFP, Vogal;
5. Lídia Imaculada Conceição, Xefe Unidade-SKFP, Vogal
6. Lourenço Barros Magno, Diretor-SKFP, Suplente
7. Moisés Almeida Sousa Pedroso, Diretor-SKFP, Suplente

E. Materia ba Prova (Prova Eskrita & Entrevista):

1. Konstituisaun RDTL;
2. Lei Estatutu Funsau Públika (Lei no. 8/2004 e Lei no. 5/2009);
3. Lei Kria Komisaun Funsau Públika (Lei no. 7/2009);
4. Dekretu Lei Funsau Públika;
5. Koñesimentu Jeral;
6. Materia Espesifiku ba área relevante.

F. Méhode Selesaun no Klasifikasaun Final.

Fase 1 – Avaliasaun Kurrikular (Selesaun dokumentus),

Fase 2 – Prova konhesimentus (Eskrita),

Fase 3 – Entrevista no verifikasaun husi refêrensia pesoais.

Klasifikasaun final sei mai husi media aritmética simples husi klasifikasaun neébe hetan husi faze ida-idak, iha eskala ida husi 0 –100 pontos, no sei konsidera aprovalu ba kandidatus sira neébe hetan valor 60 pontos ka liu. Kandidatu ka konkorente ida neébe hetan valor pontuasaun a'as liu no preenxe rekeztus sira iha avizu ida ne'e sei hetan nomeasaun no tomada pose hotu hahu halaó kna'ar iha SKFP. Wainhira iha kandidatu nain rua ho valor pontuasaun hanesan sei fó preferênsia ba konkorente fetu.

G. Submisaun aplikasaun:

Husu ba interesadu ida-idak diriji nia rekerimentu ba Presidente Júri, aneksa ho Kurikulu Vitae (CV) no dokumentus sira seluk. Dokumentus hotu-hotu neébe haruka tenke konverte ba formatu *pdf* no submete elektronikamente liu husi email concursopublicscfp@cfp.gov.tl data hahú submete dokumentus loron quarta, 16 novembru toó 30 novembru 2022.

Dili, 16 novembru 2022



Francisco da Costa Pereira
Presidente Júri